

武功

古者歌天保以治內尤必賦采薇以治外武功固與文德並重我

國家文經武緯度越前朝下迄荒陬僻壤所以殄殲醜類廓清邊陲者亦皆有績可紀為詳其興師之由戰勝之地與其前後征討之人以明有功於茲土者宜表而章之不容沒也

漢建武二十四年五溪蠻叛詔命新息侯馬援討之

綏甯縣志

卷之三十四

武功

蜀漢建興三年牂牁諸夷叛丞相諸葛亮討平之唐元和間溪蠻南勾牂牁以叛中丞柳公綽統師克平之

晉天福間飛山崗酋潘全盛與其黨楊丞磊等畧武岡楚王馬希範裨將呂師周追擒斬之

宋淳熙三年中洞苗叛遣率逢源統荆鄂兵剿擒之明洪武四年綏甯大寨楊叛遣江夏侯周德興

同江陰侯吳良擊破之

明綱目載入五年元祐二年夷蠻楊盛台叛

唐義問討平之載宋淳熙後

正統元年廣西蒙顧武岡橫嶺等洞劫掠綏甯勅
都督蕭綬奉勅同副總兵吳亮都指揮鄧通統軍
剿平之

正統十四年靖綏黃栢等寨苗貴州黎平府屬勾
猛狡橋廣西蒙顧拜洞等處苗叛殺靖州知州蘓
恣勅保定伯梁瑤統總兵都督毛福壽左副總兵
王斌右副總兵同叅將安順李震等克平之

天順四年綏妖賊李天保糾絞洞苗叛吉世英奉
勅同李景莊榮討之兵至清水坪生擒天保解京

綏甯縣志

卷之二十四

武功

二

續同叅將高端領兵克平城步所平水洞苗生擒
賊首楊昌富

成化二年苗叛右都督李震討平之 見明綱

宋治間粵苗寇紫檀綏甯縣丞詹信率欵丁擊破
之

嘉靖三十二年劇賊建相等肆行擄掠綏甯知縣
張炫同靖守備何清以智擒之

國朝順治五年貴巡撫彭而述奉命至靖會定南王

孔有德徵陳友龍赴軍門友龍至武岡懷疑潛回

率兵叛破靖城公親督戰斬數十級龍敗走

順治七年逆寇王馬袁劉四營敗於武岡地歸途大肆殺掠輦鼓震地積尸盈野戶口棄家而逃僅存千百之十一迨十二年王師芟除大難乃獲

安堵

康熙五年城步李癩子作祟於東通道吳老潘爲禍於西粵西妖人蜂起請七營鎮協征剿未下檄綏甯縣知縣楊九鼎赴各寨招諭諸苗就撫乃班師

綏甯縣志

卷之三十四

武功

三

康熙十三年吳逆作亂屯兵綏地楓門蓮荷等處兵戈擾攘綏民塗炭

康熙十八年吳逆僞將王馬何等三營屯兵楓門嶺蓮荷山五月十三日大兵破之逆黨殘兵奔散沿村搶掠民多遭其屠毒

乾隆元年逆苗蒲寅山鳳老一劫掠軍裝請兵擒拏把總李如松格鬪被殺襄陽總兵李琦統軍調靖協王臣綏甯遊擊藍美林同寶慶辰州鎮守各營弁兵三千餘名於二年四月初十進兵討賊拒

於畚山破之六月二十六日擒其賊首振旅而還
乾隆五年四月內苗獠粟賢宇等結黨爲亂時辰
沅道楊輔臣靖協姜熾曾撫綏不恐辱食屠剪選
本縣把總歐國章城步橫嶺司王淦把總李三省
外委鄧岐山持示往諭被執不屈而死二十八日
綏甯知縣任之彥告急先以驛監道馬靈阿監紀
鎮筓總兵劉策各統軍遣衡州副將冶大雄等靖
州副將薛璠等分三路征討劉總統師次黃桑坪
後進至六月初六日攻界溪克之賊拒白水洞負

綏甯縣志

卷之二十六

武功

四

喞拒敵千總張文英把總王宗江張章戰死迺得
左右翼夾擊發五子炮破之會師於新寨提督杜
凱亦至賊勢稍阻 詔貴州總督張廣泗爲經畧
使七月二十八日抵綏駐營竹林寨統五省官軍
一萬三千員各指授方畧連破其崗寨十餘處賊
衆潰散搜盡根株不闕月而首逆伏誅餘苗皆就

撫

乾隆五年大兵凱旅之後四散餘苗出沒無常劫
殺虜掠大爲民害軍需道王扎委邑庠幸道一楊

溥楊色輝等帶領鄉勇設策堵隘勦平之民得安堵

咸豐十年九月二十八日髮逆數萬至青林界團勇不能禦各官紳帶勇赴各隘把卡署黃桑營遊擊哈心發帶兵星夜往禦二十九日至中團路遇驟戰陣亡兵丁二十名寡不敵眾退守本營嚴堵要隘營保無恙三十日賊臨縣城城內勇單城遂隕知縣吳熊典史馬景恒遇害逆賊猖狂大肆殺掠被擒被害者約計數百十月初八日賊由楓香

綏甯縣志

卷之二十四

武功

五

出關峽往城步武岡而去所經之處蹂躪不堪

咸豐十一年三月髮逆數萬至靖州城外邑侯周廷鑑調各里團勇赴各隘嚴堵賊不來城自靖出通道入綏芙蓉里雙江由黃土隘而去是年十月髮逆在粵西古宜一帶撫憲駱委周戈二營帶勇駐扎青林界防堵署遊擊哈心發帶兵於各隘梭巡賊莫能過暗由馬屁股山路抄出隘後周戈哈前後受敵兵勇不能禦賊由臨口中團駕馬過上一里扎住東山各團勇堵隘力戰數日城幸無

恙賊往黔陽而去所過地方俱遭屠毒

同治二年八月十七日髮逆數萬從會同縣至東山分兩支一支由西奔鷺公嶺而來一支由東奔竹舟江長舖市而來十八日驟臨城下首尾受敵各團勇護城力戰均莫能禦城遂陷黃桑營遊擊呂克生退守梨子界營內無恙二十一日賊由多隴駕馬中團出青林界向粵西而去受害者多